

净修捷要
一名五念简课
香赞

炉香乍热，法界蒙熏，诸佛海会悉遥闻，随处结详云，诚意方殷，诸佛现全身。

南无香云盖菩萨摩訶萨！（三称）

一心观礼。娑婆教主。九界导师。如來世尊。於五浊世。八相成道。兴大悲。悯有情。演慈辯。授法眼。杜恶趣。开善门。宣说易行难信之法。当來一切含灵。皆依此法而得度脱。大恩大德。本师释迦牟尼佛。

南无本师释迦牟尼佛！ 一拜三称（一）

一心观礼。极乐教主。因地闻法。即发无上正觉之心。住真实慧。誓拔勤苦生死之本。弃国捐王。行作沙门。号曰法藏。修菩萨道。於无量劫。积植德^{hèng}行。所发殊胜大愿。悉皆圆满成就。名具万德。声闻十方。接引导师。阿弥陀佛。

南无阿弥陀佛！ 一拜三称（二）

一心观礼。从是西方。去此世界。过十万亿佛土^{dù}。有佛世界。名曰极乐。法藏成佛。号阿弥陀。名无量寿。及无量光。如来应正等觉。十号圆满。安隐住持。具足庄严。威德广大。清静佛土^{dù}。阿弥陀佛。

南无阿弥陀佛！ 一拜三称（三）

一心观礼。清浄法身。徧一切处。无生无灭。无去无来。非是语言分别之所能知。但以酬愿度生。现在西方极乐世界。常寂光土。接引法界众生。离娑婆苦。得究竟乐。大慈大悲。阿弥陀佛。

南无阿弥陀佛！ 一拜三称（四）

一心观礼。圆满报身。所居之处。永无众苦诸难恶趣魔恼之名。亦无四时寒暑雨冥之异。宽广平正。微妙奇丽。超踰十方一切世界。实报庄严净土。阿弥陀佛。

南无阿弥陀佛！ 一拜三称（五）

一心观礼。寿命无量。光明无量。菩萨弟子。声闻天人。寿命悉皆无量。国土。名字。都胜十方。无衰无变。建立常然。殊胜希有。阿弥陀佛。

南无阿弥陀佛！ 一拜三称（六）

一心观礼。无量寿佛。亦号无量光佛。亦号无边光。无碍光。无等光。亦号智慧光。常照光。清浄光。欢喜光。解脱光。安隐光。超日月光。不思議光。光中极尊。佛中之王。阿弥陀佛。

南无阿弥陀佛！ 一拜三称（七）

一心观礼。无量光寿。如来世尊。光明普照十方世界。众生有缘遇斯光者。垢灭善生。身意柔软。所有疾

苦莫不休止。一切忧恼莫不解脱。如是威神光明。最尊第一。十方诸佛所不能及。阿弥陀佛。

南无阿弥陀佛！ 一拜三称（八）

一心观礼。极乐世界。教主本尊。於彼高座。威德巍巍。相好光明。一切境界无不照见。如黄金山。出於海面。其中万物。悉皆隐蔽。唯见佛光明耀显赫。有无数声闻菩萨恭敬围绕。阿弥陀佛。

南无阿弥陀佛！ 一拜三称（九）

一心观礼。极乐世界。教主本尊。今现在彼。为诸有情。宣说甚深微妙之法。令得殊胜利益安乐。十方菩萨瞻礼闻法。得蒙授记。称赞供养。阿弥陀佛。

南无阿弥陀佛！ 一拜三称（十）

一心观礼。佛由心生。心随佛现。心外无境。全佛是心。境外无心。全他即自。洪名正彰自性。净土方显^{dù}唯心。感应道交。呼应同时。十万亿程。去此不远。心作心是。阿弥陀佛。

南无阿弥陀佛！ 一拜三称（十一）

一心观礼。显密一体。身土不二。称名无异持呪。教主即是本尊。大日遮那。同归光寿。华藏。密严。不离极乐。竖穷三际。横徧十虚。阿弥陀佛。

南无阿弥陀佛！ 一拜三称（十二）

一心观礼。六字统摄万法。一门即是普门。全事即理。全妄归真。全性起修。全修在性。广学原为深入。专修即是总持。声声唤醒自己。念念不离本尊。阿弥陀佛。

南无阿弥陀佛！ 一拜三称（十三）

一心观礼。无量光寿。是我本觉。起心念佛。方名始觉。托彼依正。显我自心。始本不离。直趋觉路。暂尔相违。便堕无明。故知正徧知海。虽入众生心想。寂光真净。不涉一切情计。微妙难思。绝待圆融。阿弥陀佛。

南无阿弥陀佛！ 一拜三称（十四）

一心观礼。万德洪名。能灭众罪。果能一向专念。自然垢障消除。不但道心纯熟。且可福慧增长。临命终时。圣众现前。慈悲加祐。令心不乱。接引往生极乐世界。七宝池中。花开得见阿弥陀佛。

南无阿弥陀佛！ 一拜三称（十五）

一心观礼。极乐世界。德风华雨。妙香天乐。泉池林树。宝网灵禽。色光声香。徧满佛土。成就如是功德庄严。增益有情。殊胜善根。大愿大力阿弥陀佛。

南无阿弥陀佛！ 一拜三称（十六）

一心观礼。极乐世界。黄金地上。宝树行间。莲华

池内。宝楼阁中。发菩提心。念佛往生。住正定聚。永不退转。容色微妙。超世稀有。咸同一类。无差别相。悉是清虚之身。无极之体。诸上善人。皆由一向专念阿弥陀佛。

南无阿弥陀佛！ 一拜三称（十七）

一心观礼。极乐世界。菩提树下。宝栏循边。闻妙法音。获无生忍。受用种种大乘法乐。福慧。威德。神通自在。随意所须。应念现前。一生补处。诸大菩萨。皆由一向专念阿弥陀佛。

南无阿弥陀佛！ 一拜三称（十八）

一心观礼。极乐世界。道场。楼观。讲堂。精舍。诸往生者。方便同居。或乐说法。或乐听法。或现神足。或在虚空。或在平地。随意修习。无不圆满。菩萨圣众。皆由一向专念阿弥陀佛。

南无阿弥陀佛！ 一拜三称（十九）

一心观礼。十方世界。示现广长舌相。说诚实言。称赞无量寿佛不可思议功德。欲令众生闻彼佛名。发清净心。忆念受持。皈依供养。所有善根至心回向。随愿皆生。得不退转。乃至无上正等菩提。恒河沙数诸佛。

南无阿弥陀佛！ 一拜三称（二十）

一心观礼。四维上下。称赞本师於一切世间。说此

易行难信之法。劝诸有情至心信受。护念十方念佛众生。
往生净^{dù}土。恒沙世界一切诸佛。

南无阿弥陀佛！ 一拜三称（二一）

一心观礼。经云。当来经灭。佛以慈愍。独留此经。
止住百岁。遇斯经者。随意所愿。皆可得度。是故我今
至心顶礼。广大。圆满。简易。直捷。方便。究竟。第
一希有。难逢法宝。大乘无量寿庄严清静平等觉经。

南无阿弥陀佛！ 一拜三称（二二）

一心观礼。一乘了义。万善同归。凡圣齐收。利钝
悉被。顿该八教。圆摄五宗。横超三界。迳登四^{dù}土。一
生成办。九品可阶。十方诸佛同赞。千经万论共指。宝
王三昧。不可思议。微妙法门。

南无阿弥陀佛！ 一拜三称（二三）

一心观礼。弥陀化身。从闻思修。入三摩地。返闻
自性。成无上道。修菩^{hèng}萨行。往生净^{dù}土。愿力宏深。普
门示现。循声救苦。随机感赴。若有急难恐怖。但自皈
命。无不解脱。万亿紫金身。观世音菩萨。

南无阿弥陀佛！ 一拜三称（二四）

一心观礼。净宗初祖。以念佛心。入无生忍。都摄
六根。净念相继。不假方便。自得心开。入三摩地。斯
为第一。与观世音现居此界。作大利乐。於念佛众生。

摄取不舍。令离三途。得无上力。无边光智身。大势至菩萨。

南无阿弥陀佛！ 一拜三称（二五）

一心观礼。无量寿如来会上。座列上首。德为众尊。华严经主。万行^{hèng}庄严。化身金刚萨埵。永为密教初祖。不舍因地。徧收玄妙。十大愿王导归极乐。大愿大行^{hèng}普贤菩萨。

南无阿弥陀佛！ 一拜三称（二六）

一心观礼。法王长子。七佛之师。胜妙吉祥。无垢大圣。愿共众生同生极乐。系心一佛。专称名号。即於念中。得见弥陀。一行^{hèng}三昧。大智宏深。文殊师利菩萨。

南无阿弥陀佛！ 一拜三称（二七）

一心观礼。灵山会上。亲承佛诲。授与大乘无量寿经。嘱以弘扬^{dù}净土法门。现在兜率内院。当来三会龙华。菩提树下。成等正觉。福德无边。弥勒菩萨。

南无阿弥陀佛！ 一拜三称（二八）

一心观礼。无量寿如来会上。舍利弗等诸大尊者。及贤护等。十六正士。咸共遵修普贤大士之德。具足无量^{hèng}行愿。安住一切功德法中。诸大菩萨。

南无阿弥陀佛！ 一拜三称（二九）

一心观礼。从上以来。莲宗诸祖。暨弘宗演教。皈

向净^{dù}土。诸大善知识。以及本身皈依。授戒。传法。灌
顶。诸位大师。

南无阿弥陀佛！ 一拜三称（三〇）

一心观礼。尽虚空。徧法界。常住三宝。十方护法
菩萨。金刚。梵。天。龙。神。圣贤等众。

南无阿弥陀佛！ 一拜三称（三一）

一心代为生世世。及现在生中父母。师长。六亲
眷属。冤亲等众。顶礼三宝。求哀忏悔。普代法界众生。
回向西方极乐世界。同生净^{dù}土。同圆种智。

南无阿弥陀佛！ 一拜三称（三二）

无量寿佛赞

无量寿佛。甘露王。威德愿力难量。洪名虔称消灾
障。化火宅。为清凉。菩提心中接佛光。福慧善根自长。一
向专念莫彷徨。勤熏戒定香。信愿^{hèng}行三是资粮。苦海得
慈航。南无西方极乐世界大慈大悲大愿大力接引导师阿
弥陀佛。

南无阿弥陀佛！ （千声或万声）

惟愿

天下和顺。日月清明。
风雨以时。灾厉不起。
国丰民安。兵戈无用。

崇德兴仁。务修礼让。

国无盗贼。民无冤枉。

强不凌弱。各得其所。

并愿以印弘行功德。回向法界一切有情。所有六道
四生。宿世冤亲。现世业债。咸凭法力。悉得解脱。现
在者增福延寿。已故者往生净^{dù}土。同出苦轮。共登觉岸。

地藏莲社于 2020 年 12 月制作